
Kuannersuit pillugit eqqunngitsumik paasissutissiisoqarnera ETM-ip qisuariarfigaa

ETM-ip Inuit Ataqtigiit (IA) Kuannersuarni suliniut pillugu piaaraluni eqqunngitsumik paasissutissiisimanerat kingulleq maajip 15-ani 2025-mi saqqummiunneqartoq sammisariaqarpaa. Tusagassiutinut nalunaarut, IA sinnerlugu inatsisartunut ilaasortamit Mariane Paviasen Jensenimit allanneqarsimasoq, eqqunngitsumik unnerluutiginnissutinik eqqunngitsunillu oqaaseqaatinik imalik suliniuterput pillugu eqqunngitsumik paasissutissiinerup ernumanartumik ingerlateqqinneratut ippoq.

Tusagassiutinut nalunaarummi piaaraluni Amerikamiut aningaasaliisuata qanittukkut Kalaallit Nunaannut tikeraarnera Kuannersuarnilu suliniut imminnut attuumassuteqartinniarneqarsorineqarput. Tamanna aamma inunnik eqqunngitsumik isumaqalersitsiniarneruvoq, tusatsiakkat tunngavissaqanngitsut eqqunngitsunillu atassuteqartitsiniarnerit atorlugit.

Oqaatigineqartoq eqqunngitsuullunilu piviusuunngilaq. „Amerikamiut aningaasaliisuata“ IA-p tusagassiutinut nalunaarutaani eqqaaneqartoq Kuannersuarni sulinummut sinniisunik ataatsimeeqateqarnissaminut Narsamiissimanngilaq. Piaaraluni pisunik taama salloqittaatiginninnera IA-p Kuannersuarni suliniut pillugu ersititsisarneranut eqqunngitsumillu paasissutissiineranut naapertuuppoq. Aningaasaliisartunik ataatsimeeqateqarnernik piviusuunngitsunik oqaluttualiornermigut IA-p Kalaallit Nunaanni pisuussutinik ineriartortitsineq pillugu piviusunik, ilisimatusarnermik tunngaveqartunik oqallinneq tamanullu ammasumik oqallinneq akornusersortuarppaa.

Taamatulli oqarneq avatangiisinut sunniutinut naliliinernut ilisimatuussutsikkullu misissuinernut annertuunut, immikkut ilisimasalinnik attuumassuteqanngitsunik suliarineqartunut, avatangiisinullu sunniuteqarnerpaajunnaarnissamik akisussaassuseqarluta ineriartorniarluta aalajangersimanerput pillugu uppernarsaatissanut, akerliulluinnarpoq.

Inuiaqtigiit sinnerlugit oqalunniaraluarluni Marianne Paviasen kalaallit sinnerlugit oqalunngilaq; inuit nuimasut soorlu Jess B. Berthelsen, sulisartut kattuffianni siulittaasoq ataqqineqartoq, Kuannersuarni suliniut tamanut tapersorsorpaat.

2025-mi maajip aallaqqaataani oqalugiarnerni Berthelsenip oqaatigaa kattuffiup ukiorpassuarni kajumissaarisarsimaneratut Kalaallit Nunaanni aatsitassarsiorneq, ilaatigut aatsitassat uranitallit, ineriartortinneqartariaqartoq, aningaasaqarnikkut siuariartornissamut suliffissanillu pilersitsinissamut aqutissiuullugu.

ETM-ip soqutigisaqaqatigiinnut tamanut ammasumik piviusunillu tunngaveqartumik attaveqarnissaq suli pisussaaffigaa. Kuannersuarni suliniut pillugu eqqortumik paasissutissiuarpugut, ilaatigut avatangiisinut isumannaallisaanermut, aningaasaqarnikkut iluaqutissanut inuiaqatigiinnullu peqataatitsinissamut suliniutit pillugit.



Inuit kajumissaarpavut uppernarsaatit ilisimatuussutsikkullu naliliinerit misissoqqullugit politikkikkut peqquteqartumik eqqunngitsumik paasissutissiinerit tutsuiginagit.

Aamma IA aamma Inatsisartuni ilaasortaq Mariane Paviasen Jensen kajumissaarpavut eqqunngitsumik paasissutissiisarneq unitseqqullugu, taarsiullugulu Kalaallit Nunaata siunissami pisuussutinik ineriartortitsinissaa pillugu unneqqarissumik piviusunillu tunngaveqartumik oqaloqatigiinnissamut.

Kalaallit paasissutissanik eqqorluartunik, aningaasaqarnikkut avatangiisitigullu siunissamut tunngatillugu pingaarutilinnik aalajangiinissamut tunngaviusunik, tunineqartariaqarput.

---Naavoq ---

Daniel Mamadou
Managing Director
+61 8 9382 2322